

Ang Pinagpalang Pag-asa

Kabanata 11

Aralin sa Pakikinig: Bagong Tipan 65



Layunin: Upang maunawaan ang background at nilalaman ng Mga Taga Tesalonica.



Sa araw na iyon kasabay ng malakas na utos, ng tinig ng arkanghel, at ng tunog ng trumpeta ng Diyos, bababâ ang Panginoon mula sa langit. Ang mga namatay na sumasampalataya kay Cristo ay bubuhayin muna. Pagkatapos, tayo namang mga buháy pa at natitira ay titipunin sa alapaap kasama ng mga binuhay upang salubungin ang Panginoon sa himpapawid. Sa gayon, makakapiling natin siya magpakailanman.

—Mga Taga Tesalonica 4:16-17

Ang tema ng 1 Mga Taga Tesalonica ay ang muling pagdating ni Cristo. Sa Mga Gawa 17, nakita natin ang simula ng iglesia. Itinayo ni Pablo ang iglesia sa Tesalonica sa loob ng tatlong linggo. Sa loob ng tatlong Sabado, nangaral ng Ebanghelyo si Pablo sa sinagoga, at iilang mga Hudyo at Griego at mga kababaihan ang naniwala. Ang ibang mga Hudyo ay nagselos at inusig si Pablo, kaya kailangang tumakas siya palabas sa lungsod.

Sa kabanatang 1, isinulat ni Pablo ang tatlong dakilang katangian na mayroon ang mga bagong mananampalataya: pag-asa, pananampalataya, at pag-ibig. Sinabi niya na ang kanilang gawain ay nagpapakita ng pananampalataya, ang kanilang mga gawa ay naudyukan ng pag-ibig, at ang kanilang pag-asa ang nagbigay sa kanilang pagtitiis (1:3). Sila ay nagsilbing halimbawa sa mga ibang nasa Greece. Sa kabanatang 2, pina-alalahanan sila ni Pablo sa kanyang pagmiministeryo sa kanila, upang ipakita na ang kanilang pag-unlad sa espirituwal ay siyang binigyan niya ng pangunahing bagay para sa kanila. Sa kabanatang 3, isinulat ni Pablo ang nagbibigay lakas na ulat ni Timoteo tungkol sa kanila. Sa kabanatang 4 at 5, nagbigay ng praktikal na payo si Pablo tungkol sa pamumuhay kay Cristo sa liwanag ng Kanyang Muling Pagdating.

Sinasabi sa atin ni Pablo ang tungkol sa Rapture ng iglesia at ang Pangalawang Pagdating ni Cristo. Inuusig ng mga Hudyo ang mga taga Tesalonica, ang iba ay pinatay bilang martir. Ang mga mananampalataya ay maraming mga tanong lalo na tungkol sa pangalawang pagdating ni Cristo. Inaliw sila ni Pablo at binigyan sila ng kasiguruhan na si Cristo ay buhay at nasa mabuting kalagayan at muli Siyang darating para sa Kanyang mga tao. Darating siya na nasa mga ulap para sa Kanyang Iglesia, at mga martir at ang mga unang namatay ay unang babangon mula sa mga patay. Hindi natin alam kung kailan ang Rapture, ngunit alam natin na darating si Jesus balang araw, tulad ng ipinangako niya. Kinakailangan makasama tayo sa gawaing pag-ibig para sa Kanya habang tayo ay nagbabantay at naghihintay para sa kanyang pagdating.

1. **Tama** o Mali? Ang pinakasikat na salita sa 1 Mga Taga Tesalonica ay ang “ang mga patay kay Cristo ay unang babangon.”

2. **Tama** o Mali? Sinulat ni Pablo ang liham na ito sa kanyang pangalawang paglalakbay sa misyon.
3. Tama o **Mali**? Hindi hinulaan ng mga propeta ang Pangalawang Pagdating ni Cristo.
4. Tama o **Mali**? Dahil alam natin na si Cristo ay babalik, kailangang ilagay natin lahat ng ating lakas sa pagbabantay at paghihintay imbis na sa gawain.



Maliban na nabanggit, pumili ng isang sagot sa bawat tanong.

5. Sa simula ng sulat na ito, pinuri ni Pablo ang mga taga Tesalonica sa tatlo nilang mgandang katangian, kasama rito ang pag-asa. Ano ang pag-asa para sa mga Kristiyano? (*piliin lahat ng akma*)
 - a. **Ang kasiguruhan ng kaligtasan at buhay na walang hanggan sa ating Panginoon**
 - b. **Ang paniniwala na may magandang buhay dito sa lupa at mararanasan natin ito**
 - c. Ang paniniwala na kapag ikaw ay mabuting tao, ikaw ay pupunta sa langit
 - d. Ang kasiguruhan na hindi tayo maghihirap o magkakasakit
6. Ano sa palagay mo bakit ang mga taga Tesalonica ay interesado sa Pangalawang Pagbabalik ni Cristo? (*piliin lahat ng akma*)
 - a. **Sila'y inuusig.**
 - b. Nais nilang tumigil sa kanilang mga trabaho upang bantayan ang pagdating Niya.
 - c. **Nais nilang malaman ano ang mangyayari sa kanilang mga mahal sa buhay na pinatay bilang martir.**

- d. Nais nilang maging malaya sa kasalanan hanggang sa pagdating Niya.
7. Ano ang iilang mga katangian ng ministryo ni Pablo sa iglesia sa Tesalonica? (*piliin lahat ng akma*)
- a. **Ibahagi ang pag-asa ng Ebanghelyo nang may katapangan**
 - b. Hindi pinagsikapang bigyang kaluguran ang Diyos kundi ang tao
 - c. **Hindi siya pabigat sa kanila.**
 - d. **Tratuhin sila bilang sariling mga anak.**
8. Sa 1 Mga Taga Tesalonica 4:11-12, sinabi ni Pablo ang, “*Pagsikapan ninyong mamuhay nang tahimik, pakialaman ang sariling gawain, at magtrabaho kayo upang mabuhay tulad ng itinuro namin sa inyo. Dahil dito, kayo ay igagalang ng mga hindi mananampalataya at hindi kayo aasa sa iba para sa inyong ikabubuhay.*” Ano sa palagay mo ang ibig niyang sabihin?
- a. Maging tahimik ka sa iyong pananampalataya.
 - b. Ang pinaka mabuting trabaho ay gumagawa sa iyong sariling kamay.
 - c. **Magsikap ka sa iyong sarili.**
 - d. **Kunin ang respeto ng hindi Kristiyano sa pamamagitan ng iyong buhay.**
9. Ano ang sinasabi sa atin ng 1 Mga Taga Tesalonica 4:16-18 tungkol sa Pangalawang Pagdating ni Cristo? (*piliin lahat ng akma*)
- a. Hindi natin dapat sabihin sa di-mananampalataya na Siya ay babalik.
 - b. **Bubuhayin ni Jesus ang mga namatay kay Cristo.**
 - c. **Bababa mula sa langit ng may malakas na ugong ang Panginoon.**
 - d. **Makakasama ng mga mananampalataya ang Panginoon sa walang hanggan.**



Sinulat ni Pablo na ang mga taga Tesalonica ay huwaran sa ibang mananampalataya. Isipin mo iyon ay iyong sariling buhay. Masasabi ba ni Pablo ang parehong papuri sa iyo? Bakit o bakit hindi?

Naghihintay ka ba na may pananabik kay Jesus sa Kanyang muling pagbabalik? Bakit o bakit hindi?

Naglilingkod ka ba sa Panginoon nang may pag-ibig at kabanalan? Ano ang magagawa mo upang maglingkod sa Kanya nang mas mabuti?



Purihin ang Diyos sa kaligtasang pinagkaloob Niya sa pamamagitan ng kamatayan at muling pagkabuhay ni Jesus. Pasalamatan Siya sa kasiguruhan na si Cristo ay darating na muli. Hingin na tulungan kang maglingkod sa Kanya ng matapat habang hinihintay nang may pananabik ang kanyang pagbabalik. Hingin sa Diyos na ipakita sa iyo paano mo Siya mabibigyan nang karangalan sa pamamagitan ng matuwid na pamumuhay upang maakit ang iba na kilalanin din Siya.



Mas Malalim na Pag-aaral

1. Paano mo maipapaliwanag at magagamit ang makatotohanang milagro na naitayo ang isang buhay na iglesia sa Tesalonica sa loob lamang ng humigit kumulang sa isang buwan?

2. Paano mo magagamit sa iyong sarili ang katotohanan na si Pablo ay nagturo sa mga bagong mananampalataya ng sobrang dami tungkol sa Muling Pagdating?

3. Paano mo magagamit sa iyong sarili ang katuruan ni Pablo na ang Muling Pagdating ay siyang tanging pag-asa ng mundo at ang mapalad na pag-asa ng iglesia?

4. Paano mo maiuugnay at magagamit ang katotohanan na ang Muling Pagdating ay, isang espesyal na pamamaraan, ang mapalad na pag-asa ng inuusig na Iglesia ni Jesu-Cristo?

5. Paano mo maiuugnay ang katuruan sa 4:13-18 doon sa diskurso ni Jesus sa Mateo 24 at 25?

6. Paano mo magagamit sa iyong sarili ang katotohanan na ang lahat ng importanteng mga talata tungkol sa Muling Pagbabalik ay may praktikal na gamit?

7. Hanapin at gamitin ang 20 mga tuntunin na ibinigay ni Pablo sa iglesiang ito sa kabanatang 5 sa liwanag ng Muling Pagbabalik.
